



15912

I

Mag. St. Dr.

P

Grabianowski Andreae: Quaestio de
clericis studiosum causa in eade-
m vel praebenda non residentibus.

2405 *Primo*

D. O. M. DDq; PP.

QVÆSTIO

De Clericis causâ Studio-
rum in Ecclesia vel Præbenda non
residentibus.



A

15912 I

M. ANDREA GRABIANOWSKI,
*V. I. D. Iustiniano in Academia Grac: Professore, Pro-
thonotario Apostolico, publicè ad disputandum.*

PROPOSITA
In Lectorio DD. Iureconsultorum.


Die 20 Martij Hora 8 antemeridiana.

Anno Domini M. DC. LIV.

CRACOVIAE, 34 T 78
Apud LVCAMKVPI SZ S. R. M. Typograp.



Cum Ecclesia vel Ecclesiasticum ministerium
committi debet, talis ad hoc persona quaeratur,
quæ residere in loco, & curam eius per
seipsum valeat exercere, quod si aliter actum
fuerit, & qui receperit, quod contra Sacros
Canones accepit, amittat, & qui dederit, lar-
giendi potestate priuetur. Alex. Tertius
Archiepiscopo Eboracensi in cap. *Quia*
nonnulli. h. tit: *Et SS. Concil: Trident: Sess: 7.*
de reformat: c. 3.



Statuimus vt Ordinarij non conferant benefi-
cia quæcunq; & qualiacunq; nisi illis qui per
triennium in vniuersali studio approbato li-
teris operam dederint, literasq; testimonia-
les Rectoris Gymnasij de super Ordinarijs o-
stenderint. Et *infra.* Et istis non aliter pro-
videatur. Lib: 3. *Constit: Prouinc: Eccl: Metrop:*
Gnesn: in Synodo Lanciciens: tit: Ad beneficia qui
Et quales instituendi. fol: 149.



Q V Æ S T I O

Exc. Tuæ Fraternitatis.

Ext. de Cler: non resid: in Eccl: vel Præbend.

Iuncta L. 40. Generaliter.

C. de Episc: & Clericis.

V Beneficiarijs tam Curatis ,
quàm non Curatis, necessita-
tetamenresidentiæ obligatis,
ratione studij literarij absen-
tibus , & in Studio generali
commorantibus ad effectum
quærendi fructus beneficio-
rum post SS. Concilij Triden-
tini confirmationem, & eiuf-
dem publicationem, Ordina-
rij locorum possint & tenean-
tur dare dimissoriam necne :

CONCLUSIO I.

Beneficiarijs Curatis post Concilium Tridentinum causâ studij literarij sese absentare, etiam in Studio generali commorari volentibus, ad effectum quærendi fructus beneficiorum, Ordinarij locorum, non tenentur imo nec possunt dare dimissoriam.

COROLLARIA.

- I. *Licet olim de iure communi obtentâ Ordinarij licentiâ Curatus Studiorum causâ, per quinquennium imo & Septennium à beneficio suo abesse, & fructus suos facere poterat, hodie tamen præmissæ dispositioni per S.S. Conc: Trid: est derogatum.*
- II. *Non solum in Studentibus, sed etiam in docentibus causa studij, post dictum Concilium non est gravis causa, ut absint à suis Curatis & fructus suos faciant.*
- III. *Licet Curatus æquè benè per Vicarium manualemente populo seruiat, imo & Festis Solennioribus personaliter Ecclesiam adeat, attamen absens causâ studij, pro rata absentie suæ, post dictum Concilium non facit fructus suos.*
- IV. *Si quando contingat, ut Curatus causâ studiorum ad effectum fructuum in absentia percipiendorum ex speciali S. Sedis & Apostolica gratiâ licentiam obtineat,*

neat, illa non alias nec aliter eidem Curato suffragabitur, nisi prius ab Ordinario loci desuper admissio gratis præstanda accedat.

V. Beneficium Curatum Cathedræ aut Simplici beneficio vel officio incorporatum, habens tamen Vicarium in exercitio curæ intitulatum, non impedit beneficiarium, quominus causâ studiorum licentiam præmissam ab Ordinario obtineat, imo nec requiritur in Cathedralitico ut eandem obtineat.

CONCLUSIO II.

Beneficariis non Curatis, necessitate tamen residentie obligatis, causâ studij literarij sese ad tempus absentare, & interim fructus beneficiorum suorum lucrari volentibus, dummodo in eis ætas, docilitas, & studij qualitas concurrat, tenetur Ordinarius etiam post dictum Concilium gratis concedere dimissoriam.

COROLLARIA.

I. Si dicta dimissoria, ultra quinquennium aut septennium per præfatum beneficiarium, a die quo studere aut docere capit impetretur, eidem nullo modo suffragabitur.

II. Si præmissa dimissoria superscriptis concurrentibus requisitis, Beneficiario petenti per Ordinarium denegetur, licet ad Superiorem recurritur.

III. Obtentâ ex causa studiorum extra locum beneficij præmissi consistentium, dimissoriâ, non est obtinenda super ipsa ab eodem beneficio absentia.

IV. Licet dictus Beneficiarius præmissam ad percipiendos fructus dimissoriam obtineat, non tamen prætextu eiusdem prorata absentie suæ quotidianas lucrabitur distributiones.

V. Si tamen præfatus Beneficiarius, omnes beneficij sui fructus, in huiusmodi distributionibus consistentes habeat, tunc ex vi dictæ dimissoriæ etiam distributiones, demptâ tertiâ parte lucrabitur.

CONCLUSIO III.

Beneficiarijs etiam non curatis studiorum gratia in aliquo particulari studio commorari, & interim fructus beneficiorum suorum facere volentibus, Ordinarius tam ante, quàm post dictum Concilium, non tenebatur nec tenetur dare dimissoriam.

COROLLARIA.

I. Licet æquè benè in studio particulari, sicut & in generali vigeant studia, non tamen ex eo, præmissa dictis Beneficiarijs concedenda dimissoria II.

II. Si tamen iſdem Beneficiarij pretextu dimiſſoriæ ſibi ad ſtudio generale datæ, propter guerram aut peſtem de ſtudio generali ad particulare tranſire velint, id non eſt eis denegandum.

III. Licet Beneficiarius cauſâ ſtudiorum dimiſſus in ſtudio generali maneat, imo & Scholas adeat, ſi tamen verè & actu non ſtudeat, non facit fructus ſuos.

IV. Licet dictus Beneficiarius ſeſe ad modicum tempus, puta per tres aut quatuor Menſes à ſtudio generali abſentet, intentionem tamen ad ſtudia redeundi habeat, & expoſt realiter ad illa redeat, facit fructus ſuos.

V. Licet SS. Concilium Tridentinum Seſſ: 5. Cap: 1. de reſor: prædictam dimiſſoriam Scholaribus Sacra Scripturæ Studentibus concedere videatur, idem tamen eſt in Studentibus vel docentibus Ius Canonicum.





Sub felicibus auspicijs,

Magnifici & Clarissimi Domini

GABRIELIS OCHOCKI,

**Philosophiæ & Medicinæ Doctoris, & Pro-
fessoris Dignissimi.**

A C

In Alma Academia Gracouienſi Studij Generalis

R E C T O R I S

Vigilantiſſimi.

**Vrbis Cracouiens: SENATORIS
Meritiffimi.**

XIV. 5. 7. 10.

II
de-
i
Vig
a
ib-
is,
KI,
ro-
ari-
um
alis
cda-

Biblioteka Jagiellońska



stdr0016883

